

# LO CAPULET ROI

1-Au pè de la montanha,  
On lo valon d'Aussau,  
Gaujós com un casau,  
S'esten dens la campanha,  
A l'endret on jo soi  
Que i a ua bergèra )  
Tan charmanta e tan fièra: ) *bis*  
Qu'a lo capulet roi. )  
Qu'a lo capulet roi. )

2-Quan lo dimenge arriba,  
Coeifa son petit cap  
De blanc frèsc empesat,  
E que se'n va hueitiva  
Hòra de l'on jo soi.  
Perdi mon temps en còrrer, )  
Lo bonur que'm demora ) *bis*  
Dab lo capulet roi. )  
Dab lo capulet roi. )

3-Las damas d'Aigas-Bonas,  
Vadudas Diu sap on,  
Que pòrtan sus lo front  
Plumas, flors e coronas,  
Tà vièner là on jo soi.  
Totas vòstas riquessas )  
Valen pas las tendressas ) *bis*  
Deu men capulet roi. )  
Deu men capulet roi. )

4-Nosauts, pastors, qu'èm praubes,  
Se'ns volem maridar,  
Lo tresòr qu'aimam plan  
Qu'ei l'aunor de la rauba.  
Qu'ei aqueth qui jo voi...  
D'amor n'auram pas hrèita )  
Se lo Bon Diu me guèita ) *bis*  
Lo men capulet roi. )  
Lo men capulet roi. )